

1995

Sana'y maibigan mong pasalubong ko
Na aking dala mula sa malayo
Alam kong kay tagal mo nang hinihiling ito
Pasensya ka na kasi nag-ipon pa ako
Bigay ko 'yan sa iyo, sana'y malaman mo
Na lagi kang laman ng puso at isip ko
Dahil wala ako, ang makakaya ko
Lamang ay punuin ng pagmamahal ang kahon na ito

1996

Bagong sapatos na Nike para kay Joey
Pandalagang pabango na ibinilin ni Corie
Robot na nagiging kotse sa bunso ko na pogi
Nakalimutan ko yung wallet ni Tita, teka sorry
Yung tsokolate at sabon na lamang, bawi ako
Sa susunod na bagahe, sana'y mapadala ko
Kung meron pa kayong gusto, sabihan niyo lang ako
Ibibigay ko palagi, basta't sumuweldo ako
Ang kumot na makapal para sa higaan ni Tatay
Malambot na mga tuwalya na para kay Nanay
May nakaipit na panyo, ingatan, pakialalay
Baka mahulog yung singsing at hikaw, sana bumagay
'Pag kapos kayo minsan ay puwede niyong isangla
'Di man ganun kalaki, puwede na rin, kesa wala
May mga larawan akong sinama sa bandang baba
Lagi akong nakatawa para 'di mahalata
Ang lungkot ko dito

Sana'y maibigan mong pasalubong ko
Na aking dala mula sa malayo
Alam kong kay tagal mo nang hinihiling ito
Pasensya ka na kasi nag-ipon pa ako
Bigay ko 'yan sa iyo, sana'y malaman mo
Na lagi kang laman ng puso at isip ko
Dahil wala ako, ang makakaya ko
Lamang ay punuin ng pagmamahal ang kahon na ito

1997

Alam kong natagalan, kala ko hindi na nga
Darating ang galing parang isang himala
Nasa tapat na ng pintuan ako'y ibinaba
Ngiti na di matatawarang kasabay ng tuwa
Agad na binuksan ang yupi-yupi kong kahon
Dali na bilisan, sinisigaw, pero bulong
'Di na 'ko makahinga sa dinami-dami nitong
Nilagay ng nagpadala na kung tawagin ay Long
Lahat ng kita, nilaan ang siyang matitira
Pa ay ipinambibili ng pasalubong nila
Mapagbigyan lang ang hiling ay nakakota na siya
Wala para sa sarili, ito ay sa kanila
Ganyan sila doon, tumataya ng luha at hirap
Ako ay kahong naglalaman ng sipag at sikap
Kalakip ng litrato ay may nakatuping sulat

Pinadala na niya lahat, dahil hindi na mumulat
Mga mata ni Long, pilit mang tinatanong
Maraming ganitong kwento, 'di to nagkataon
Parang patibong, kasi magpaghanggang ngayon
May pasalubong o sinasalubong na kahon...

Sana'y maibigan mong pasalubong ko
Na aking dala mula sa malayo
Alam kong kay tagal mo nang hinihiling ito
Pasensya ka na kasi nag-ipon pa ako
(1998)
Bigay ko 'yan sa iyo, sana'y malaman mo
Na lagi kang laman ng puso at isip ko
Dahil wala ako, ang makakaya ko
Lamang ay punuin ng pagmamahal ang kahon na ito

Sana'y naibigan mong pasalubong ko
Pasensya ka na